

Peniarth 14

t. 79

1. mathia ioseph y en6. ac a oed dysgybyl y yess6.
2. hyt ar pilat{us} y erchi corff yessu. AC ena yd
3. erchis pilat{us} rodi e | corff yda6. a guedy y
4. gemryt y | hycludus y meun llyeyn
5. glan ac y gossodes y me6n y | wynwent
6. eh6n. a dorrassy or garrec ac a drosses e-/
7. lech 6a6r ar drus y 6ynwent. ac aeth y | em-/
8. deith. ac eissyoed yd oed ena meir 6agdale{n}
9. a meir arall en eisted kywarwyneb ar bed.
10. A | thrannoeth eissyoed wedy dy6 gwener
11. croclyth yd ymgynn6llasant tywyss-/
12. gyon yr effeiryet ar pharisewydyon
13. hyt ar bilat{us}. a dywedut urtha6. ARgluyd
14. hep wynt coff yu gennym ny ac ef etwa
15. en 6y6 ry | dywedut or bradwr y kyuoedy
16. y | tredydyd. ac urth henne arch cadw y bed
17. hyt y pen{n} y tredydyd rac damweyn | dy6ot
18. y disgyblon ae dwyn en lledrat a | dywedut
19. yr bobyl ry gy6odi o | 6eirw. a bot en waeth//

t. 80

1. y | kyueilyorn | dywethaf nor kentaf. Awch chuihe6
2. hep y pilat{us} a chetwuch ef mal y gudauch. ac wy-/
3. nte6 a aethant a | chadarnaw y | bed ac inselya6
4. y | maen gyt a cheytweit. A | Dy6 sul y | bore pan
5. 6u | dyd y | doeth meir 6agdalen. a | meir arall. y
6. edrech e | bed. ac ar henne nachaf kynn6ryf
7. ma6r en | e daear. Canys angel yr argluyd a | dis-/
8. gynnassei or nef. ac emchuelut y maen ac eisted
9. ar y | warthaf. ac 6al lluchyaden oed y | welet.
10. ef. ac 6al er eyny oed y wysch. A | Rac y <o>6yn ef
11. eissioes y kymraws y keytweit ac y | digwydas-/
12. sant 6al meirw. AC ena atep a oruc yr angel
13. a dywedut urth y guraged. NA 6yt arnauch
14. o6yn my a wn y mae yessu a groget a geissy-/
15. uch. nyt ydi6 ema. ne6 ry gyuodes mal y | dy-/
16. waut. Douch ac edrychuch y | lle y gossodadoed
17. yr argluyd enda6. ac euch en gyflym a | dywe/
18. duch yu disgyblon ef. ac y beder ry gyuody
19. ef a | llema y byd ef yn auch | blaen chui yg ga-//

t. 81

1. lylea. Eno y g6eluch chui euo mal y | dywedeis y
2. y chwy || llyma 6al y cauas elen luyddawc ach custenn-/
3. in y mab prenn y | groc y ronn y | dioddeuawd yn har-/
4. glwyd ni Iessu grist yrom ni yr yn prynu ni arnaei \l\ hi.
- 5.
6. AC em penn e | dryded 6lwyden ar dec ar ugeynt a
7. chant wede | dyodef an argluyd ny yessu grist
8. ene guledychei er anrededus dywyll6r duw
9. gusten!yn gwr ma6r en | e seithuet 6lwyden
10. oe | deyrnas ente6 yd emgynn6llus kenedel 6a-/
11. 6r angkyuyeith en baraut y ryuel6 a gwyr
12. ru6eyn hyt ar | a6on danubi. a henne a genna-/
13. tant y gustennyn 6renhyn. a chynulla6 ll6
14. ma6r a oruc ente6 a chyrchu en eu herbyn ac
15. yd ymga6as ac wynt ar der6yne6 ru6ein ar
16. lann danubi. A | phan weles eu ll6ossogruid of-/
17. na6 a oruc a thrista6 mal y anghe6. Ar nos ho-/
18. nno y | doi wr echtywynedic ae deffroi a dywe-/

19. dut urtha6 6al hyn{n} gustennyn na | 6it o6yn.//

t. 82

1. arnat edrech uch dy ben{n} \2\ ar nef. ac 6al yd edry-/
2. ech \3\ y guelei arwyd croc yr argluyd gryst
3. wedy ry ossot en dyrua6r leu6er. ac en ysg-/
4. ry6enedic uch penn. En h6nn e gor6ydy.
5. a guede guelet o!hona6 er arwyd y peris | y
6. brenhin g6neithur kyffelypr<6>ydy y groc a
7. welsei yn nef ac | ar henne kyrchu y | elynyo{n}.
8. ar groc en | y | 6laen. a thara6 en eu plyth ac
9. eu llad (h) kyhyt ar dyd a | llad amy<1>der ona-/
10. dunt. a chymryt eu ffo. a<r> | dyd h6nn6 y ro-/
11. des duw 6udugolyaeth y gustennyn 6re-/
12. nhyn{n} tr6y nerth e groc llan. a guedy dy-/
13. 6ot e | brenhin adref y gelwis holl effeiry-/
14. eit e gendwyweu \4\ a gowyn 6dunt huy
15. pa arwyd oed h6nn6 a phieuoed ef. ac nyt
16. oed onadunt a allei y attep. Rei onadunt
17. eissioes a dywaut panyu arwyd duw ne-/
18. vaul oed. A phan gygle6 y bychoded gris-/
19. tyonogyon a oed en er amser h6nn6 hen{n}e.//

t. 83

1. e | doethant ar e | brenhyn. y uynegy ydav ryn-/
2. wed e | dryndaut a dyuodyat mab duw yng
3. cnaut. ar grogi. ar trydydyd y gyuody. ac
4. an6on a oruc custennyn ar eussebius escop.
5. caer ru6ein yu dy6ynn6 atha6. a h6nn6
6. a | datcan6s ida6 holl fyd grystyonogaul ae
7. 6edydyau en en6 an argluyd ny yessu grist.
8. ae gadarnha6 en fyd gryst. Ac erchi adeilat
9. egluyssye6 em pob lle. a distry6 temle6 y ge6-/
10. duyweu. ac ar wyrder perfeith 6u en fyd.
11. y g6yn6ydedic custennyn a guassanaethu
12. er yspryt glan a cherdet herwyd yr eueg-/
13. gyle6 \5\ a guedy caffael ohona6 or euengy-/
14. le6 e | lle y crogessit er argluid yd an6ones
15. helen y 6am y geissya6 pren{n} croc kysseg<e>/
16. dic \6\ yr argluyd. ac | y adeilat egluys en | e
17. lle h6nn6. [.]Rat \7\ er yspryt glan a disgyn-/
18. n6s ac a orfowyssus ar elen mam custen-/
19. nyn amperauder llaurus oed en er holl.//

t. 84

1. ysgrythur. a | dyrua6r garyat a | dodes ar an
2. argluyd ny yessu grist. ac odena y keyssy-/
3. us er yachuydyaul groc kyssygredec. [.]C \8\
4. eissioes wedy darlleyn ohonei dyuodyat yg
5. cnaut an achuydyaul \9\ ny yessu gryst ar
6. gemryt ohona6 e | groc. ar gyuody o | 6eir6
7. nys dyodeuaued ene gauas arwyd budugo-/
8. lyaeth gryst y \10\ e | lle y gossodessit y argluyd-/
9. yaul gorff ef. [.]C \11\ 6al hyn{n} e | cauas. en | e deu-/
10. nau6etyd ar | ugeynt wedy henne e | doeth
11. elen a | llu ma6r genthi e | dynas caerusalem. ac
12. y kynn6llus lluosogruyd dyrua6r o enwyraf
13. genedel er ydeon. nyt na mwy a oed en | e dy-/
14. nas namen a oed onadunt en | e guladoed. ar ke-/
15. styll en eu kylch kyn diffeithyet oed gaerusa-/
16. lem ena a guede kynn6llit paub en llwyr. or
17. ydeon na cheit namyn teyr myl o | wyr. [.] \12\ gue-/
18. de eu duwyn y gyt e | dywaut y brenhynes ur-/

19. thunt. Mi a adnab6nn \13\ hep hi o gleynyon.//

t. 85

1. ly6reu y p{ro}phuydyant ry 6ot chui en garedic.
2. can duw a chan urth<l>ad ohonauch pob doethy-/
3. nap y urthyuch yd emelldygassauch y g6r a-
4. 6yn{n}ei auch pryn6 chui o emelldith ar h6nn a
5. leu6erhaus auch llygeit chui o hali6 a rodassa-/
6. uch chuithe6 y anghe6 ac auch goleuat a | deby-/
7. gassauch e | bot en dywylluc. ac wryyoned en
8. eu. ac y | chuytheu. y | doeth er emelldyth ysyd ys-/
9. gryuenedic en auch dedyf. [.]C \14\ urth henne.
10. etholuch er auron gwyr a | wypo auch dedyf ac
11. en graff ac atepoent ym or a o6ynn6yf. [.] \15\ ac \16\
12. wyntheu a | enkylyassant en aryneigus y ga-/
13. entach erygthun ehuneyn. ac a gaussant o
14. athraon eu dedyf ryuedi myl. ac eu dwyn ar
15. elen. a dwyn tystiolaeth arn6nt y gwydynt
16. e | dedyf. [.]C \17\ elen a | dywaut urthunt. Gueren-/
17. deuch 6yg geiryeu. a chymeruch en auch clu-/
18. styeu 6i \18\ emadrodyon. cany deelluch en ema-/
19. drodyon e | p{ro}phuydy pa delu y | p{ro}phuydut o | dy6o-//

t. 86

1. dedigaeth cryst kynt e | dywedwyt. Mab a | e-/
2. nyr ac nyt ednebyd y 6am kyt g6r. Ac eilwe-/
3. ith dauid yscryuennyd y mol<y>anneu a | dywa-/
4. ut. Mi a racwel6n er argluyd ker 6y | mro{n}.
5. en wastat ac nyt yscogaf. canys ar 6yn de-/
6. heu e | mae. Ac ysaias brophuyt a | dywaut y-/
7. uch. Meibyon a 6egeis i ac a | dyrcheueis. ac
8. wynte6 am tremygassant i. yr ych a adna-/
9. bu e | berchennauc. ar assen pressep y arglu-/
10. yd. nyt adnabuauch chui 6y6y ac nym | da-/
11. allus e | bobyl. a | phob yscrythur a | dywaut
12. amdana6. ac urth henne a wydyat e | dedyf
13. ohonauch a gy6eilyornes. urth henne etho-/
14. luch er auron ohonauch a 6o ky6ar6ydaf
15. ohonauch ar auch dedyf y atep ym ar a o-/
16. 6ynn6yf. A gorchemyn ena yu marcho-/
17. gyon eu g6archadu en graff. A mynet
18. yg kyngor a orugant. ac ethol pym | cant
19. or g6yr doethaf onadunt a chy6ar6ydaf.//

t. 87

1. en er ysgrythur. a guedy seuyll onadunt rac
2. bron elen gouyn pwy oed yno. lleman hep wy-/
3. nte6 e rei gore6 a | wyr an dedyf ny. a hitheu
4. eilw<e>yth a dysgus e | reyn henne. Ae chuychvy
5. 6eybeon er israel e | rei esyd wyr en6yt canys
6. delly auch reeni a emlynassauch ac a dyweduch
7. nat mab duw yessu. ac ale6ch y dedyf ar pro-/
8. phuydy ac nys deelluch. Ni ae lle6n hep wyn-/
9. teu. ac ae daall6n. ac urth henne pa achaus
10. argluydes y | dywedy dithe6 kyfry6 a henne.
11. en an gwyd emynegeist ynn; erchi yn{n} atep
12. or a owynn6t yn<o>. Euch etwan hep hithe6.
13. ac etholuch e | rey doethaf en auch dedyf. Pa \19\
14. hep wynte6 y ryngthunt e | peir y 6renhy-/
15. nes ynn \20\ ella6ur h6n{n}. Dyoer hep e iudas ona-/
16. dunt 6n \21\ my a h6n{n} \22\ . panyu go6yn a 6yn{n} or
17. pre{n}n y croges an ryeni ny yessu. ac urth he-/
18. nne edrychuch nas kyuadeuo nep ohonauch

19. byth ef. Canys o!hona6 e | dystywyir gosodeu.//

t. 88

1. e reeny ac an dedyf a dylir hyt ar dym. zache-/
2. us 6y | hendat y a | benegys ym tat am tat yn-/
3. he6 pan 6u 6ar6. a | dywaut urthyf 6ynhe6 e-/
4. drech 6y mab hep ef o g6ely o6yn y pre {n}n y | dy-/
5. enydyus an ryeny ny gryst. na 6ynac ef
6. onyt rac dy losgy. Canys o henne allan ny
7. wledycha kenedel e6rewyssyon namen e | rei a
8. adolant y crogedic byeu6yd eu teyrnas. ente6
9. a wledycha en oes oessoed. Canys ef yu cryst
10. 6ab duw by6. A Mynnhe6 a dywedeis urth 6yn
11. tat. Paham o gwydyat an ryeny ny panyu
12. cryst oed ef e | dodynt hwy la6 arna6 ef. e | dy-/
13. waut ente6. 6y mab hep ef guaranda6 dy ac
14. ednebyd an6idrolet y en6 ef cany ky6une-/
15. is | i ac wynthuy namen dywedut en eu her-/
16. byn namen urth angreiffthya6 ohona6
17. ef hyneif ac esgyb y | llebydyassant wy e6o.
18. ar e | groc o | debygu gall6 marwa6 an6arwa-/
19. ul. a guedy e | dyot y | ar e pre {n}n. e cladassant.//

t. 89

1. ar trydydyd wedy e | gladu e | ke6odes. ac emd-/
2. dangos \23\ yu dysgybl<y>on. Odena e credus sty-/
3. phan dy 6raut dytheu. ac y dechreu6s dys-/
4. gu en | e en6 ente6. ac o gyt!gyngor y | bobyl
5. y | llebydyassant a | meyn ef. ar g6yn6ydedyc
6. h6nn6 pan | yt | oed en rodi y | eneyt dyrcha-/
7. uael y dwyla6 e | tu ar nef. ac erchi yu ar-/
8. gluyd na ch<y>(e)6etlywyei. ac wynt y pecha-/
9. ut h6nn6. Guaranda6 6i 6ab. a my ath dy-/
10. sgaf o gryst ac oe waredogruyd canys saul
11. a oed en eisted rac bron {n} y demyl e | 6arn6 ar
12. grystyonogyon. ac en emlyn a gretei e
13. gryst h6nn6 a gyffroes e | bobyl en herbyn
14. styphan dy 6raut | ty. ac odena o wared duw
15. y goruc er argluyd ef en 6n oe seynt. ac urth
16. henne my am tadeu a gredassam ida6 ef.
17. canys gwyr 6ab duw yu. ac urth henne 6y
18. mab na dos en | y erbyn. nac en herbyn a gret
19. jda6. a thy a geffy 6uched tragywyd. G6ae//

t. 90

1. 6y hep ef hyn {n} a dystus symon 6yn tat y my
2. 6al y klyweyst dy beth a | ryng bod y chui o go-/
3. 6ynnyr yuch o bren {n} e groc. Ny chlyussam ny
4. hep e | lleyll kyffryu \24\ eryoed a henne. ac urth
5. henne o go6ynnyr amdana6 edrech nas
6. mynekych. ac ar henne nachaf dy6yn ar-/
7. n6nt rac bro {n}n e | 6renhynes. ac er henne
8. ny mynegynt dym or wryoned. ac urth
9. henne yd oed en gohyr. ac ena yd erchis
10. elen eu llosgy e | meun tan. a rac y ho6yn
11. e | rodassant iudas ydi; lleman hebuynt
12. 6ab e | gyuyaun. ac y | brophuyt a h6n {n} a ad-/
13. wen e | dedyf ae gueithredoed. h6n arglu-/
14. ydes a | 6yneyc yt ti. en graff ac a dengys
15. yt a damumo \25\ di gallon a phaub y gyt a
16. dugant tystiolaed \26\ ohona6 a | hythe6 a | del-/
17. us \27\ iudas. ac a | dywaut urtha6. bywyt ac
18. angheu ysyd rac dy 6ro {n}n ethol er h6n {n}

19. hynn \28\ a 6ynnnych ae | dy | 6yw. ae | dy 6arw.//